

Egyptii
coluerunt
bovem.

Aegyptii propter agriculturam divinis honoribus coluerunt bovem. Apud hos cum Io filia Inachi regis Argivorum, divinos quoque honores consecuta, et mutato nomine Isis dicta esset, occasionem dedit fabula, ut diceretur mutata in bovem, hoc est, in Aegyptiorum numen. Fuit autem a Phoenicibus rapta, et in Aegyptum abducta. Phoenices enim cum more usitato (quemadmodum refert Herodotus) navigassent Argos in Graeciam, et exposuissent ibi merces, atq; ad eas emendas accessissent fæminæ Argive, inter quas erat Io regis filia, rapuerunt omnes, et raptas detulerunt in Aegyptum. Fuit etiam tradita et in matrimonium collocata Osiri Aegyptiorum Regi, cui cognomen erat Ammonis seu Iovi, teste Diodoro Siculo. Hinc singitur a Iove amata.

-- Letoque det, imperat Argum, &c.

Nemo tam oculatus cui à Mercurio imponi nequeat. Mercurio cur alata talaria tri- buuntur. Virga & regumen Mercurii quid signif. fecerit.

Argi fabula, si referatur ad mores, docet neminem esse tamoculatum, cui a Mercurio, hoc est, ab homine versuto et eloquente imponi nequeat. Mercurius enim olim habebatur pro Deo eloquentiae et versutiae: cuius alata talaria significant, et velocem ipsius motum, quia omnium planetarum velocissime movetur, et volubilitatem linguae, que in Oratore commendatur. Virga autem significat vim eloquentiae, qua alliciuntur et impelluntur hominum mentes; Tegumen capit is simulationem, quam fronte ac vultu sustinent homines versuti ad regendas orationis fallacias. Oportet enim fallacem in dicendo rectum et caustum esse. Si vero fabula referatur ad Physiologiam, exponi poterit in hanc sententiam, ut per Argum intelligamus cælum stellatum, cui inesse quedam species cælestium oculorum videtur. Per Mercurium, Solem. nam et Mercurius cum sit fere sub radiis solaribus, interdum pro ipso Sole accipitur. Oriente autem Sole evanescunt et quasi extinguiuntur stelle, per quas intelliguntur Argi lumina. In hanc sententiam exponit fabulam Iovianus Pontanus his versibus:

Quin & Mercurium mutato nomine dicunt
Argum somnifero fictum stravisse caduceo,

Insomnem